

— Տօնը (տունը) շէ՛ն կէնա, շէ՛ն:—

Ամեն կողմից ձայնակցում էին՝

«Շէ՛ն կէնա, շէ՛ն»:

Ապա նվիրատուությանը հրավիրվում էր երկրորդ բարեկամը... նույն եղանակով երրորդը և բոլոր հարսնէվօրնէրը: Նվերներ էին տալիս նույնիսկ բացակա բարեկամները, որևէ մեկի միջոցով: Պատիվը պահանջում էր, որ նվերը պակաս չլինի այն գումարից, որը տղայի տերը տված էր լինում նվիրատուի տանը կատարված հարսանիքի ժամանակ: Հավաքված գումարը հաշվում էին և հանձնում տղայի հորը: Երբեմն դա ավելի մեծ գումար էր բռնում, քան թիարած ծախսերը:

Հնում քսիվօրը, քսիվօրը²⁷, փէսէն՝ փեսացուն շրջում էր հարսանիքը սկսելուց առաջ ազգականների տները, համբուրում նրանց օջախներն ու ստանում տանեցիներից նվերներ:

Այսպիսով, հարսանիքին այս կամ այն ձևով մասնակից էին լինում և՛ ննջեցյալ, և՛ կենդանի ազգականներն ու բարեկամները:

Ամեն տեսակ նախազուշական միջոցներ էին ձեռք առնվում, որ հարսանեկան հանդեսներին շվտաճգվի նոր գույգի ապագա բեղմնավորությունը և բախտավորությունը նախանձոտ մարդկանց կամ շար ոգիների կողմից, որ շար ոգիները շթուլացնեն տղայի առնական ընդունակությունը²⁸ և ապահովի կնոջ բազմածնությունը: Այդ նպատակով ընտրվում էր պսակվող գույգն ամեն շարից պաշտպանող շամուսնացած երիտասարդների մի խումբ: Զանգեզուրում տղը շամուսնացած երիտասարդ ընկերները կոչվում էին մրկրոնէր, մի անուն, որը կրկնվում է նաև արևելյան Վրաստանի հարսանեկան սովորությունների մեջ—մաղարի՝ მობობო: Արեւմտյան հայաբնակ գավառներում նրանք կոչվում են պարզորեն ազապնէր, իսկ նրանց գլխավորը՝ ազապբաշի, ազապպաշի՝ ամուրիների գլխավոր: Զանգեզուրում էլ կար փրէսախպէր, որը միշտ կանգնած պիտի լիներ քսիվօրի կողքին և հսկեր նրան: Մրկրոնէրը շարունակ շրջապատում էին նորապսակ գույգը: Երբեմն երիտասարդներից ընտրվում էին մի քանի սաղիներ²⁹, որոնց պաշտոնն էր մատուցակի դեր կատարելը ճաշի ժամանակ:

Քուն հարսանիքը սկսվում էր ուրբաթ առավոտյան ընդհանուր հրավերով, բարձր կտրան վրա կանգնած գուտեա-ղավալի նվազակցությամբ: Սովորաբար նվազում էին Սննհարի եղանակը: Սրանով նախ և առաջ կանչվում էին մրկրոնէրը: Սա Մրկրոնէրի էր: Միևնույն ժամանակ հրավեր էր ուղարկվում առանց խտրության և ամբողջ գյուղին: Այդ նպատակով երեխաները և երիտասարդները շրջում էին գյուղի մեջ և պատահողին հրավիրում: Տղայի հայրը կամ տան մեծերից մեկը մի ափսե փլավ, վրան մի եփած հավ դրած և մի շիշ օղի ձեռքն առած՝ գնում էր քավօրին³⁰ հրավիրելու, մինչդեռ փեսացուն իր մի քանի ընկերների հետ շրջում էր հատկապես մոտիկ ազգականներին հրավիրելու:

²⁷ Մեղրու բարբառով:

²⁸ Զգույշ էին լինում հարսանեկան եղը մորթելիս՝ չլինի՝ անբարյացակամ մեկը թել քաթախի արլան մեջ, հանգույց կապի և մի որևէ տեղ պահի և դրանով տղայի առնական ընդունակությունը կապի:

²⁹ Հմմտ. արաբ. saqā և պարսկ. saqi -մատուցակի Տես Մալխասեանց Ստ., Հայեր. բաց. բառ., հ. IV, սաղի, էջ 177:

³⁰ Քավօր Մեղրու բարբառով՝ սրէ՛սա: